

A Monthly Christian Magazine

AN ORGAN OF THE ZOU PRESBYTERIAN CHURCH SYNOD


Khristian Tangkou

ယၢ်ကၢၤကတၢၢ်ဝဲ

တၢ်ဝဲဆၢယုၤ

Vol. 59 || No. 11 & 12

Nov.-Dec., 2023



Editor: Rev. Dr. Hangpi Manlun

Synod Kumpuon

Nang Guolzawna hi in

[Siemchilbu 12:2]

Khristian Tangkou

Vol. No. 59 || Issue No. 11 & 12 || Nov.-Dec., 2023

Editorial Board

Editor : Rev. Dr. Hangpi Manlun - 9862910875
Joint Editor : Rev. Zamlianpau - 7629978067
Cir. Manager : Upa Jamsianmung - 9862086615
Bus. Manager : Upa Kamgenpau - 8974612937
Ms. Niangkhanmang - 8787560139
Nh. Tracy Niangsuanuam - 8731863384
Nh. Suanneiching - 8787790520

Cont. Editors : Rev. Awnkhankhup - 9383114081
Rev. Khupsianlal - 8974749874
Rev. Khamchinkhai - 8730933744
P/P Samuel Khamsuankhai - 8413817483
Upa Khupsuankham - 9863193371
Upa Tualkhanpau - 9862956570
Upa Thangzasuan

ZOU SYNOD ULIENTE

- **Moderator:**
Rev. P. Ginzalal
- **Moderator Elect:**
Rev. Kaimuanlal
- **Secretary (Sr):**
Upa Ginsuankhai
- **Secretary (Jr):**
Upa Kapkhanhau
- **Treasurer:**
Upa Thangchinpau
- **Statistician:**
Upa Chinkhanpau
- **Executive Secretaries:**
Rev. Dr. Hangpi Manlun
Rev. Zamlianpau

Copies - 1000

AMAN

Kumkhat ah	- Rs.	100
Post ah	- Rs.	200
Copy khat ah	- Rs.	10
Life Member Fee	- Rs.	1,000
Patron Member Fee	- Rs.	2,000
Memorial gift	- Rs.	2,000

A sung thu

- Guest Editorial 01
- Thu tuomtuom & Thumpi ding 03
- Manpha hina vaia e..... 04
- Jesun mun tang zoulou..... 07
- Khovel kisahkhol dan 11
- Jesu pien.....Angelte genlawhna ... 16
- Kingiemkhiet tah in..... 18
- ZPYF Column 22
- ZPWF Column 23

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Khristmas Message

BUOIPi THAM JESU

Rev. Awnkhankhup

Sa leh gal nei a hun sawtpi ina khosah zou nua un, Pasian khut muonhuoi a pui a um in Khristmas mel muthei kia ding in ihing um thei ta ua, lungdamhuoi isa mama uhi. i neh leh dawn dingte ban ah i nichin tahsap tuomtuomte buoipi a hinkhuo i man zing lai un, buoipi ding a ki thaman pen leh i poimaw pen gan annpiehna kuong a hing kisial Jesu i buoipi lou khah ding uh zauhuoi i sa mama uhi. Melma leh gal a hing neite i buoipi zing lai in, i tahsa leh i hagau hing hundam i Mangpa Jesu ma buoipi ding in i ki chiel masa nuom uhi.

Ahileh, Jesu ichi khu koi ahi mawng mawng ei? Nang leh kei a ding in koi e ahiei? I tahsap hun hun chieng a hat ding maimai in i ngaisun lel tah uh ama? Ahilouleh, natna thuohnopna damdawi (Paracetamol) bang mai a, i damlou leh i hasatna hun chieng a hing panpitu ding maimai in i deikhop uh ama? A thahatnate, a silbawltheinate, a thupina leh a nunnemdante ithei chien tahtah na uoi? Teel thaman um isa tahtah na uh ama? Eima leh eima kidong chien va ui. Jesu bang chibang mi hidan in i ngaisun uoi? Buoipi ding bang tah in i buoipi kha ngaita mawngmawng uoi?

Jesu khu vantung apat Vansawlsieng ten van lapawl toh ahing hahkhieh uh, numei leh pasal kipawl na pang kha hetlou, ahivang a mihing dihtah bang a hing pieng ahi. Tam thu khu khovel in a gintat theilou,

thu lamdang leh thu manpha penpen ahi. Pieng khe pan chilou a, khovel a Lal ten tha ding a na sawm na lam ua naupang khotheilou tampite thalup a ana umna uh ahi. Belampu, mi mawltahat ten Jesu a pieng ta chi a thei tah un a nasep uh taisanngam hiel in chibai buh ding in ana zankuon khe ta uhi. Tuachima bangin, suolam mipil ten zong, apilna uh leh a siemnate uh kiletsahpi mai lou in, a goubawmte uh hong in, Mang tha hing pieng chibai vabuh in a masang ah ava kun uhi. Tambang tah a naupieng kibuoipi khu khovel ah a tam het sih ding hi.

Tambang in Jesu tanchin in khovel a luodim a, gingtuten a buoipi ua, tua thamlouin gingloute tanpha in zong a buoipi uhi. Leeng chituomtah ahi a, phutlui thu in koima a pawng zawthawbawl ngaisih a, amite lungsim lam a nasem zel Leeng ahiman in, a tahsa mit ua mutheiloute tanpha in zong Leeng in a nei ua, a hinkhuo uh puihuoitu in a zang uhi. A thawmhau zel mihingte hamuonna tul theilou a hing nuasia a, a hoina ding un lam chinteng ah a sepsah zel hi. Tuachibang Pasian i nei khah uh i hampha mama mai ua, kitheimaw bawl ding guol ahi sih hi. Amu chien tuten, 'Jesu nei ka nuomzaw, Gou manpha sang in', ana chi zel uhi.

Pu R. Vanlalzauva in hagau lam muna leh theina giltah ana nei a, 'Buoipi tham Jesu, Shipi tham Jesu, Kapi tham Jesu, Dampi tham Jesu, Himpi tham Jesu, leh Limpi tham Jesu', chi in Laa ana bawl hi. Mimal, innkuon leh i gam i nam damna ding dihtah khu Jesu ana hi a, ngaituo a nei lou leh buoipi kha lou ihi khah ding a zauhuoi mama hi. Gal leh sa nei i hi zieh a annkuonglui leh lenkhawm bawllou ding ihi lai in, i bitna leh i damna Jesu mama buoipi in nei va ui chi in ikichiel thatha uhi. Khristmas in i tahsap bangzel in tahsa leh hagau lam guolzawlina hing tun ta hen.



Thy tuomtuom leh Thumpi dingte



1. Pasion lungsietna leh mapuina toh i gamsung buoinate kawmkaal ah December ha bul a dingin 20veina Synod Vaihawmna Khawmpi i zouta ua, tam tan hing Puitu Pasion kung ah lungdam thu i gen uhi.
2. Pasion mapuina toh maban ah i Mangpa Jesu Khrist lei mun niempen a ahing pien ni Khristmas leh Kum tha 2024 i mai uah hing tung pai ding ahita a, tu kum salegal lah ah Lamkaite apat ngetna um bangin eite bitna dinga sunlezan a Frontline a duty puo i Volunteer te uh geldoh kawmin Khristmas leh Kum tha 2024 pen Annkuong toh bawllou a, Biehpiehna leh thumna (Pasion buona) hun a zang chiet dingin koipou i kingen uhi.
5. Tribal zousie kipumkhat a, tup kibang a, a tawp tanpha tuibang i luonkhawm ua Saperate Administration i mu theina ding un theitawp suo in thum va ui.
6. I kingatna pen uh Pasion i bie ding bang tah ua i bie ua, a nna i sep theina ding un i gam Central Government Vaihawmte a ding in thum va ui.
7. I gamsung buoina zieh a thalemat tuoh a hinna taante tengteng i suun mama ua, a Innkuonte un hamuonna a nei theina ding uleh liemlebai tuoh a Damdawi Inn a kienkolte zousie a hing damsieng theina ding un i thumna uah thumpi va ui.
8. I gam buoi zieh ua innlelou i taan uh Imphal Hattuom, Sugnu leh Mangjing Mission Field a ding in thu m va ui.
9. I gam buoina toh kisai a Lamkai tuomtuom kituoh tah a vai a hawmkhawm theina dingun thumpi chiet va ui.



HING HUNDAMPA JESU HINGPIEN MANPHA HINA VA IE E AW

(Isai 9:6)

By:- Upa Thangzasuon
Kanaan Veng

“Aziehpén Ei a dingin Naupang ahing a tapa piehin i um ta uhi, aliengkou ah vaihawmna a kinga ding a, tualeh amin lamdang, thu moppa, bangkim bawlthei Pasion kumtawnpa lemna Manga akichi ding hi, chi in tanglai guolnei Isai in apién masang kum 7000 lai in, ana puong masa vongvong zou ta hi”.

Thumapui,

Damlai khovel lungkhamna leh buoina kal ah, Sa-leh-gaal te idou nalai ua, it leh ngai ten shina hanmuol ahing liemsan nua un, ahing a damta sunte zong liam leh bai in i um ua, nei leh lam, inn leh lou teng vaivut suoh in bel ding bei in, zu leh va bang a tunna ding giehna ding bei a, i um lai un zong hun leh kumte aliemzel a, i Mangpa Pienni Khristmas te bang ahing tungta zel hi. Tua pen, kipahhuoi bang nanleh Ji leh ta suunte a dingin vang lungngaina belaptu, asuoh ngei ding hi. Bang teng hi taleh eibawl thei la um lou , tui kibosa te la luoh kia thei hilou ahi bang ilaw thei la hilou ahi chiengin Mangpa lemgel ngah lei, Aman silhoi zaw hing pe ut ahi, hing taisan lou ahi, hing kem nalai lai ahi chi mangngil sih va ui aw.

Damlai khovel ipu, ipa khang a genthei liengvaite ina hi ua, hinanleh i Mangpan gentheina a tulden dingin ahing phalsih a, ahing suikhia, zel hi. Sa leh Hagau a lunggel mama ipuipa te hinkhuo suipa khat in, ta bangin la ana bawl a, lungsim a khoi mama mai hi.

“Tuonna simthu sut lei maw, tuol ingiem sim thu. theiphah lou selung mawlte ihi; Zu leh Va bang gam nuoi a, vaah vai a i um lai, i Mangpan hing suikhe ta hi”. Ana chi ma bangin, ipuipate hinkhuo pen, ingaituo leh hepi ahui mama mai uhi. Aziehpén,

Pasian a thei ua, Pasian bie in akingaituo uhi. Hinanleh Setan bie ahi kha ngitnget uhi. Tua pen, amotzieh uh ahi sih a, abe ut lou zong ahituom sih uhi. Pasian bieh ding dan hil ding mi a um nailou zieh ahi zaw hi. Pasian bekha lou chimaw tah agenthei mama ua, kum chiin a ahawsa uh kham zou lou in singnei gam muol ah Zu leh Va bang in, neh ding sui in ava vaita uhi. Tualeh sil leh ten zong atasam mama nalai uhi. Inn leh lou bawl dan zong asiem nai sih ua, kotta (Tolet) ahon lou zieh un, sun leh zan in innsung amiel den hi.

Tualai a, ipu, ipate buoipi pen khu sa mat ding ahi, amat chieng ua lah neh leh taah a pang tuon lou khat louma, alal law ua, genthei na belap tu asuoh sawnsawn giap ta hi. Isai 9:2 na a guolnei thu gen mielnuoi a gamta miten, vaah loupitah amuta ua, shina lim guom a teng te tung ah hinna khovah ahing taang tahi, achi khu, Ama ua ding in agam leh vengvong nai lai hi.

Tumlam gam akipan hinna thupha (Gospel)-in Assam gam ahing kap vaah tahi, tuana pan in Mizo gam ahing kapvah sawn a, tuapan in eigam ah zong tangthupha (Hinna thu) ahing kipuonng thuoituoi ta hi. Tuapan

iguol ten ana pahta mama ua, Govt. nasem ten topsan in Pasian na asemzawta uhi. Tuaziehin khuoizu leh bongnawi luonna gam a atung gam ta ua, atu, atate uh milien, milal apum dim ta hi. Pasian guoljawlna atang ta ua, tai thei liathei te in, akilia zungzung ta uhi. Bang zieh ama ichi leh? Ama un Khristian ahi ua kipan, tuni kum 100-achin ni dongin Amin uh aheng naisih uhi. Agam tat a nuol banglou te, ahampha uhi (Late 119:1). Hinanleh, eipawl Gospel kipahpi dan pen Amval seng kha in, Sekenhen bawl in ibawl ua, a banban in ithing suhta ua, tuni tan ah 5-vei min heng kamu kha hi. Pasian sang in pawl min ingai poimaw zaw ua, aguoljawlna tang manlou in itaisan santa uhi. Pasian nasep sangin, lei loupina i enla zawta ua, Bongnawi leh Khuoizu luonna igaldot ta uhi. Pasian thu iman (i-awi pen) Kumtawn hinna inei na ding ahia, ana iseppen itu, itaten, guoljawlna atanna ding ahi.

Leilung pien ma a Gosa Belam nou Kihilna 13:8; I Peter 1:20 I Mangpa Jesu hing pien ding sangin, ahing shina ding thu akigen masa zaw hi. Tuama bangin ahing pienna sangin ahing shina, manphazaw nalai hi. Leilungpien ma a, gosa Belam nou kichi theita ahileh bang ding a Bethlehem a hing pieng kia adiei?. chi dohna

poimaw tah ahing umta hi.

I Mangpa Jesu pen Pasian tapa ahia, Hagau a um ahi. Van mi ahia, Van ham in aham a van ann Mana ne ahi, eite tan dingin a um ang bangin, hing kumsuh taleh, Hagau ahi ziehin imu thei sih ding uhi, zong iki houthei sih nalai ding a, ngambom, ahing a vanka ahing bang giap kha ding hi. Tuazieh a Bethlehem a mihing bang a hing pieng in, mihing ham a hing ham in, mihing te ann ahing neh leh iki mutuo thei ta ua, iki houtheita ua, nekhawm, kholkhawm in, ikipawltang nei thei uhi. Amanpha mama hi. Hinanleh ahing pienna ni leh hate Bible ah mu in aum sih hi. Tualeh apienna ni Mass pen zong nuazuiten a lop lam uh akithe i sih hi. Tua ahileh bang dia eiten ina lop uh ahi diei? chi dohna asuoh zel hi. I gensa ma bangin ipu, ipa ten pawltah tengin, khodou poi na zang ngeitnget uhi. Tuapen kumbul a pan pawltah dong a genthei liengvai na teng uh Pasian zal a, apal galkai uh, alopna uh ahi tua mi ni chienga ala dei pen ukhu,

(a) Genlieng nau bang him divoi e, but al a khuon nuom leh khuong hen aw.

(b) Bu-al akhuon nuom leh khuong hen, taikhuo avah nuom leh vah hen aw chi in, ahitui,

anaptui ma uh toh zan khovah in a laam dupdup mai uhi. Sielpi, Sieltal te gou in khojangan annkuong a imm khom zing uhi. Tuapen Missionary ten lem tanga la in Mass annkuong toh ana loppi uleh, gingloute zong athanuom mama ua, tuapen Missionary-te a dingin Pasian thugenna alemtang sawnsawn hi. Tuachieng a, a Bible tang pansia pen ukhu Johan 10:22na ahi. I Mangpa Jesu hing pienna leh hing shina manphatna te:-

1) Mousi dan a siemtang lou zou a, gotmun a lut ding eite, ginna ziehin siem ahing tangsahta ahi. Halleluiah 3-vei aw? Rom 3:26-; 4:23-; I Korin. 6:11; A Bible ah sim in aw?

2) Siempute nuoi a, kum chin a gan sisan a kithoina ala mang a, kumtawn a muon den dingin, Ama sisan in ahing thoi dam ta hi. Hebru 9:12 tami zong Halleluiah ichi kia hi.

3) Thuhun masa leh BC hun abeikhom sah a, Thuhuntha leh AD a piengkhe sa hi Heb. 8:13.

4) Pasian tate hing suoh sa hi (IJohn. 3:1)

5) Namtel, Leng siempu, nam siengthou Pasian deituom Ama mite ahing hi sahta hi (IPeter 2:9; Nas. 26:18).

6) Hundamna setheilou tang dingin ginna zieh a, Pasian silbawltheina ah, ahing ken khinkhien ta hi (I Peter 1:5; Kolosa 3:3)

7) I tahsa thu limlou pen Ama tahsa thupitah batpi in, ahing bawltha pieh ding hi (Philipi 3:21; Kolosa 3:10; II Korin 5:17).

8) Suoh apan in ang zalen sah ta hi (Galati 5:1), tuazieh in suoh

hahkol ah oh kia nawn sin ang chi hi).

Alem tang sih a, ilop lou leh zong siemmaw tanna ding a um sih hi, lemtang tah a ilop in zong siemtanna ding ahituom sih hi. Ama bou mihing ihina dawl ah i Hundampa pienni manpha hina va ie e aw, chilou thei ding ahi sih hi. Damtah in Mass zah nuom chiet vai aw, lungdam e.

JESUN MUN TANGZOU LOU

(Jesu could not find a place)

By- Upa Khupsuankham

Thumapui.

Kisimpina a minkhum dingin Mari agaisan laitah in Joseph toh Bethlehem ah avahaw ua, Tapa khat anei uhi. Luke in, “Jesu’n mun tangzou lou gan-ann kuong ah akisiel” achi in ilungsim akhoi in ilai anasah hi. Tulai a i Khristian hinkhuo uh i-et chieng in Bethlehem a Jesu’n mun atangzoulou bangin, gingtute hinkhuo ah Jesu’n mun tangzou lou in ningkhiin in a-um hi. Tukum Khristmas iman na ding utoh kisai a ikisahkhola ding ah Jesu’n mun atan zoulou na ding munte khu:

Kum 2011 in Lamka khopi a Hattuum pawlpi lamkai teng in setan biehnah leh daw nasepna doudalna ding a pan lah dingdan akikupna uah Setan bete lah a pang hing kinuole khat in testimony agenna ah, “Nidang in hanmuol ah setan kabie-ua, tu in pen innsung leh biehnin sung vel ah kabeta uhi”

achi hi. Aman agenna ah dawite ahat ua, hangzong ahangsan thei mama ua, amauhte douzou ding khop a hagau lam a hatna inei sih uleh kipatda vanglah vai” chi hi. Tuabang minmun a ding ihitah zieh un ‘Jesu’n mun tang zoulou’ hi.

Bangzieh a Jesu'n Hattuum sung nangawn a mun tang zoulou ata diei? Setan bete thugen bang in Hattuum sung ah Pasian leh i Mangpa Jesu Khrist limbawl sang in midang leh sildangte i thupi bawlwawhtah zieh uh ahi. Tulai in dinmun poimaw tah leh mawpuohna lienpi nei mitampi tah khovel sil a zong khawhsahna bei a, kop-le-kai thuohthei a sum leh pai leh mi hausate maitang etna, amaute pahtawina athupi seng tah zieh in Jesu Khrist in mun tang zoulou deudeu a, akilahna khu setan beten "Biehin sung ah Setan kabie uh" achite uh himai talou ding amah chi'n ka ngaisut hi.

Neh leh tah suina leh kivahna ding a iha sum lahna ding a inasepna mun leh muol a vapei utlou a, hasum lala a, Hattuum sung alah awlmawna zieh a lamkai a pangjong tam mama umta hi. Tuabang a lamkai a pangte tungtang akigen khah chieng a tambangte mawh gengen ding hisih chia adihloulam hum paupau lamkai tampi zong um nalai hi. Sum-le-pai deina zieh a kumpi vankhaamte leh tahsa vakisubua a Nipi sangsye a pang, lapawl zil a pang, Nupawl leh khanglai leh nupi bazar a tou a, sum sui zong um hi. Tam thute ingaisut chiengin Jesu'n, "Si-alten

kuonei un, tungleeng Vaten buuh nei uhi, hinanleh Mihing tapan lungahna ding anei sih hi" (Mathiu 8:20) achi bang in Hattuum sung nangawn ah zong Jesu'n mun tangzou non lou a, pamkhin a um ahidan akilang hi.

Khristmas ahisih leh kumtha vaiguon lamkaiten anop thei ding bang in siem nan uleh ann-neh khawmte leh kipawl na tuomtuom ah Herod tolsie hing kikumthaw zel a, tuonvaite leh mipite kikal bang a pawlpite lah ah zukham-annkham aki uongsah deute bang ang kiphumkhah chiengin hagau lam laa kipahtah a sahtehe leh malah in, kipahtah a lamlamte zong atha uh hing lesiet a, "Tambang a ileenkhawm sang un kipei maivai" chiin nupite aki honzui khazel uhi. Jacob in atapa Simeon leh Levite umdan ahoilou zieh un, "Ka hagau aw! nangzong alah uah vaki kumthaw sin" achi khu ang kiphawhsah hi (Gen. 49:6).

Gam leh nam phutkhie a pawlpi dingsahtu, I Mangpa Pasian in Eden huon a kipat a gamte, namte kep leh zuun ding a mihingte mawpuohna nasep nanleh tuni chieng in igam leh namte uh zuunlou in maimomthang akaita ngetnget a, gam leh nam kep leh zuun malah

in mimal gam leh inn leh loute zuun leh puona in ihun leh iniite uh imang tumzawta uhi. Gam leh nam puona ding a, Central Government apat a panpina hing peite taga gentheite leh meithai liengvaite a ding a hing peite neh mangsah a i-um tah man un ilah uah “Jesun” mun tangzou ta sih hi. Jesu khu ilah ua muthei a hing um hileh ‘Nou taga genthei leh meithaite a ding lahpieh a, gamtate aw! kamit nauta sawhkhah nahi man un, kenzong nalah uh kangsawh ding a, natna hiite kalengsah ding a, na thei ngailou uh natna hiite hing tungsah vangin sawtpi khaanglou kei in nashi pai ding uhi’ ang chi kha diei? Tulai a i siltuohte natna hiileng leh inatnate uh adihlou leh gim umlouna “Ga” Pasian thangpaina khu itung ua hing tung ata diei?

Tulai in innkuon sung a Pasian thu kisinsahna leh innsung maitam nasan lemman lou lieng a khosahna leh nei leh lam khu ipoimaw ngai zawta uhi. Innsung nupen in zong sum leh pai sui in zingpi matha apat zan siim zaante tantan khodung khovai a kileden zong umlieng hi. *I Mangpa Jesu’n, kumpi gam leh ama chitahna lungguh in aneimasa ulehchin, aman tuate ban ah tam silte zong ahing piehbelap ding hi* (Mathiu 6:33). Eiten lah i innsung uh

Pasian deina bang a kem manlou lieng a ibuoipi pen uh Pasian in ang pieh belap ding achite lah ahi ngal a, tambang ibuoipite lah ah ahoi lam sang a i lungkhamna ding tuntu dingte hileh kilawm in alang zawsawp hi. *Akep hun a ikep khahlou itu itate tuni tan a nu leh pa thu zaw zou loute, khotaang a buoina bawlte Setan betute leh avanzah a pangtu ihi ta di uoi le!* Ahun lai a innsung maitam leh innsung a Pasian thutah ina kibulphu lou zieha tuni tan a khanglai leh naupang tampin asietlaw uh hita lou ahei? Tulai a khanglai leh naupang tampi ten innsung leh khotang kikhopna mun khat pou ah Pasian phatna laa sang in zawllaa ahiei setan pahtawina laa leh music tulai a *Hip-Hop* achite ukhu apibawl zawta uhi. Sangnaupang ten asut chieng un Setan phat a, lasah leh lam dan Hip-Hop achite uh sin in ahunte uh lampi dung leh aningkawi lah vel ah azang beizel uhi. Tambang innsung ah *“Jesun mun atan zou lou” na khu nei leh lam sum leh pai ipi bawl nazieh uh, hitalou i! Tamte i uongbawlna zieh ua, i innsung ah setan in ama biehna dante ang zahkhum hi talou i!*

Nidanglai in zalen tah in zu leh khamthei zuo chite na um khalou in azua zua khat leh zong

a inn leh alou tan phah kihalsah ahilou leh kiphialsah nalai hi. Tuchieng in azuate zong phalna (Permit) nei bang in azua linglieng uhi. ***Tamte “Ga” ilaw uh hun chieng in tua iki sahholna uh hing banglou ding a, ina simmaw nu, ina simmawpa na ngawn i-et ngamlou dinguh zieh in tu khu atawp hun laitah ahi.*** Khotang sietna ding khat enkia talei; Numei, pasal kikal a thangtatna lam ah zumna leh khawhsahna bei in nungah, tangval, nupi, papi kal thang tatna ah khawhsahna bei in kigamtangta hi. Setan beten Setan ibiehzou a, khamthei bang ing bawlzou chieng in numei leh pasal kaal a kithuohnate bangma khahsahna kineilou in guohtang a kipawl na zong bangma a kingailou in, mimu ding zong bangma alalou in min hingmu khasihva chideudan bang in mobile phone a khum ding in guohtang a gamtatna teng lahngam zong bangza ahei zong umta hi. Guohtang a um ding deilou in guohtang a um ***Adam leh Evi savun puon silsahpa Pasian in bang ang chimu tabep dieimaw! Tuabang miten Pasian ngaidamna asui sih ulevang, Pasian mai a guohtang a agamtatna teng uh phuonzah ahi chiengin gen ding bei in achimaw ding uhi.***

Tulai in Khristian gam

ichina munteng ah Setan beten pan nasatah in ala uhi. Kum 2011 a Setan biehnah leh daw nasepna tungtang a kikhopna ah Setan bie numei 200 ding vel bang um a, pasal 300 vel ding bang umta hi. Amaute sisan a kithoina, thuneinate thupisem a, aneithei na ding un, tuban hun sawtlou nuachieng in mihing Amaute sisan a kithoina, thunei nate thupisem a, aneithei na ding un, tuban hun sawtlou nuachiengin mihing zang in biehnate pawtsawm uh chitazang uhi. Aizawl apat in mi bangza ahei angkuon ding ua, Lamka khopi a Setan beten khawmpi zong neisawm in kigen hi. Tuabang dinmun a ding ihitah zieh un ilah ua Jesu’n mun ineisah sih uleh Setan in ilah ua mun umteng luosieng ding a, khelna leh sietnate maingal in amaitai semsem ding uhi. Innkuon sung hin imimal hinkhuo hitaleh Laisiengthou thu hinpi thamching ding khop in asim kipantha vai.

Tukum Khristmas iman ding uh tungtawn in, mimal hinkhuo, innsung, ipawlpisung khotang leh Hattuum sung ah, Jesu’n mun atan theina ding in, ***“Aw Jesu tu in ka lungsim bawng inn sung ah hing piengtha kia in”*** chi chiet vai. Tualeh innkuon chin in Khristian innkuon isuohthei na ding in, ***“Innsung maitam pantha***

vai in, mimal chinten ihinkhuo ah sildang zousie sangin Jesu'n ilungsim ah mun tangsah dingin chiel chiet vai". Tua hileh Jesu khu alalpen leh athuneipen ang hiding a, sildih in vai ang hawm

tading hi. Tuabang ahi theina dingin Khristmas izahna ding ua ivaiguon siemte uh Pasian in hing guoljawl chietta hen. Simtute zousie Mangpa'n guoljawlta hen!.

**JESU KHRIST HING PIENNA DINGA
KHAWVEL KISAHKHAWLDAN**
(Mak.1:15; Gal.4:4).

Rev. Dr. Hangpi Manlun

Thumapui.

Awle u leh nau lawm leh gualte i biech Pasian puina toh kum 2023-Christmas melmuthei ding a hing puitu Pasian tungah lungdam thu igen masa hi. Tutung in Mangpa Jesu hing pienna dinga khawvel kisingsah dan tungtawn in houlimna inei ding uhi. Tualeh Jesu hing pien masang kum 500-vel in Jawlnei Mika in ana puong zouta hi.(Mika.5:2). Tuaban ah Ngahnu siengthou hin ahiding thu zong a pien masang kum 700-in Jawlnei Isai in ana puong zouta hi.(Isai.7:14). Tuabanah amin ding zong ana gen zouta hi.

Tualeh Sawltah Paul in, "Hinanleh ahunchiem ang tun bukim tah chiengin, Pasian in danthupieh nuoiah, numei sunga hing pieng in atapa ang sawlta a. Tuakhu dan thupieh nuai aum zousie tatdoh a, adeitel tate ahing hitheina ding uh ahi."(Gal.4:4-5) achi i mu hi. Tuajiehin, i Mangpa Jesu khu thakhat a hing pawng pien leh peimai ahisih a, Pasian silguot kum tamtah nuo a hing tangtung ahi chi ithei ding uhi. Awle, tuni

Jesu hing peina ding a khawvel kisingsah dan tuomtuomte igen ding uhi.

1) Leitung Vaihawmna lam ah (Politics):

Jesu hing pien lai in Greek-te leh Romte khun Khawvel pumpi ah vai ahawm ua, tuachin a lenggam uh zong atung ding uhi. Thamlou in, tuahun lai in Rom mite chilou khawvel vaihawmna lam ah theitham aum sih chithei

ahi. Tulaitah a USA-te din mun toh akibang diing hi. Tuaban ah Lengpa Emperor Ceaser Augustus in (BC 31-14AD) sung a vaihawm sung in Rome lenggam ah khantouna leh kihenna (change) loupitah in aum a, tuakhun mipite ading in galmuonna leh zalenna ang tun hi. Tuamai banah vaihawmna puophat ahia, agam pumpi Senatorial Provinces Imperial Provinces akhen ahi. Tualeh lengpa Alexander khun Jesu hing pienna diing leh ashi a thokia thu kipahhuoi mi zousie kung a genkhieh ahitheina diing in agam bung tuomtuomte ah vaihawmtu akoi chiet hi.

Tuaban ah, Juda Maccabees in, Plastine gam a Judate khu a saltannna ua pat in suohtatna atansah zou apat in, Judate'n kum 100-sung vingveng Gentailte kunga sia (Tax) ana pieh zing uh khu atawpsanta uhi. Tuaban ah tua hunlai a Rom lenggam kivaipuoh dan khu :-

(a) Romten khawvel pumpi khu athunuoi uah akoi uhi.

(b) Tuakhu Jesu Krist khantanhoi thu puongzahna diing leh vahsuh vahtou diing a hun lemtang tah ahi hi.

2) Judate'n Messia lametna leh a zalenna uh:

Vangsiet huoi tah in Judate'n ama uh kivaihawmna (Political Independence)- BC 63 in Rom General Pompei khut ah ana mansuohta uhi. Tuami a kipat in amauhte khu Rom kumpi in a awpkhumta a, tuachiin hamsatna na menlou athuoh uhi. Rom kumpi nuoi a a um uh kiningtel leh chimtah nanleh uh hatna toh bangma abawlthei sih uhi.

Tuabang dinmun ngiem leh hamsatah a aum lai un, zawlneite genlawh bang in “Kumpi Messiah” hing pien diing tungtawn a zalenna leh suohtatna amu diing uh kinepna lientah nei in angahla mama uhi. Ahin khenkhatten ngah zoulou in helna ang panta ua, (Zealotten), Rom kumpi khu angdouta uhi. Tuaban ah, Pharisaiten ahi kia leh Messia ang pei diing a, hagau lam halna ang bawl diing in a lam en uhi. Tuabang lam etna tuomtuom anei lai un, khawvel hundampa diing ahing piengta hi. Herod thupi (The Great)-guot in aum hi. Tuabang hun nuom leh vanglai ni khu historiante'n “Pax Romana” (The Roman Peace) chiin kichiemte hi.

3) K i k a w m t u o n a (Communication):

Tualeh lampi khu hoitah in kisiel a, khoneu leh gam ningkawi tanpha in lampi hoi anei chiet hi. Tuaban ah Rom kumpi in lampi bawl diing nasem mi asing-asang anei ua, tambang lampi kibawl na khu Rom Engeneering-te nasep loupitah khat ahi. Tuachiin, ni danglai in “Khawvel a lampi zousie Rom khuopi toh akizawp” achi hi. Tuaban ah, gamsung khopi lamlien leh tuipite vengbit diing in sepai zong kining ching tah in akoi hi. Tualeh gamsung leh sepai lam puona diing in solkar sia (tax) tampipi khu adongkhawm hi. Tuatoh kisai gambuppi ah kisimpina (Census) aum zelzel hi.

4) Lungsim lah (Intellectual) ah:

Greekte khu Politics lamah musit huoi nanleh uh zong lungsim ngaituona lam ah asang mama uhi. Mediterranean tuipi kimvel gamte khu Greekte tawndan in a thuzaw siengphiel chi diing ahi. Tualeh Greek Philosophy in mite ngaituonate luodim in, nguntah leh chitah a silbawl sutna lamah akhanglou sah mama hi. Thamlou in, Greek ham (Koine Greek) khu leitung pumpi hamzah (Common Language) ahia, tulai i sapham uh toh kibang hi.

Tamte khu khantanhoi genzahna diing a vanzah poimaw tah ang suohta hi. Tualeh Philosophy tuomtuom in lungkimna leh hamuonna sang in silte piengsahtu Pasian khu koi e? Chite thei utna apiengsah semsem hi. Tuabanga hagau lam mittawtna leh bil bingte kunga khantanhoi thu gen diing in hundampa ang pieng hi.

T u a l e h R o m t e kikawmtuonna lam a maw apuoh bang in, Greekte zong lungsim lam kikawmtuona lam ah mawapuo uhi. Tualeh Hebrewte khu Juda sakhuo Mosi dan pieh in aum uhi. Tuakhu Jesun ang khanletpi hi. Tua Mosi dan khu Pasian hing kilahna masa ahia, ahin abukimna khu Mangpa Jesu khantanhoi Gospel ah ahi. Tualeh Thuhunlui in Mangpa Jesu hing pien diing agenlawh khu, Thuhuntha ah ang bukimta hi.

5) Pasian Mizah Lengpa Alexander:

Pasian in Babylonte suohle-sal a Israelte kum 70-sung aum laiun, amauhte puidoh ding in gingloute Leng Cyrus azang hi. Tuabang in Krist Khantanhoi puongjah na ding in gam khat leh gam khat leh ham khatte kijahtua a, kitheituona dingin mihat, silbawlthei leh loup Alexander khu Pasianin atel in azang hi.

Tuachiin, Lengpa Alexander in agam lahna leh avaihawmna sung teng ah Greek ham, literature leh atawndan uh nasatah in akhangsah hi. Tuachiin, Greek ham khu leitung pumpiah thezaah in aumta a, tuachiin Judaten zong ang theita uhi. Alaibute uh zong Greek ham in ang let ua, tam Greek ham apat in Pasian thu khu ang theita uhi. Ajieh ahileh Thuhuntha khu Greek ham agelkhieh masah pen ang hita hi. Tuachin, Jesu Khantanhohi khu gamchin munchin a mite theitheidiing in akithejahta hi.

6) Khotang (Social) dinmun ah:

Tuahun lai in Rom lenggam khu galmuong in um nanlehzong, mihingte hinkhuo ah sietgawpna tawpkhawh atung a, mihohi gen ding mawngmawng aumsih akichi hi. Rom.3:10-18 a kigen, mi zousie hiemngam leh numei pasal kal ah thangtatna in adim ua, suoh-le-sal in akinei ua, azawng ahau khu kideidang in, taga-meithaite simmawna a uang mama hi.(Rom.1:18-32) Tuabang lawmlawm a khotang hinkhuo asietgawp lai in, liengvaite, saltangte leh migentheite hundampa diing in van apat in “Zingsol Ahsi” ahing tangta hi. Thamlou in neh-letah ah zong angiem mama uhi. Mithum vahlah ah mi ni

khu khutdaw ahi akichi vaia hi. Tuabang a umlai in zong Kumpi kungah sia (tax) tampi pi apia ua, lungkham leh puohghih neitah in a khosa uhi. Tuata hunkhie ding in Mihing tapa ahing piengta hi.

7) Biehna lam (Religion) dinmun ah:

Rom gamsung a teng ten apalsan sih uleh “Sakhuo zalenna” pieh in aum uhi. Ahin, Rom sepaiten a suhgentheinate uh lungsim uah a Pasian uh muongzawlouna leh ginlelna apiengsah nah mama hi. Tualeh Rom miten zong angaisang mama uh, nidanglai a, a Pasiante uh tawpsan a Rom kumpi shisate leh damlaite biehnah “Emperor Worship” ang panta uhi. Tuaban ah sil dang tuomtuom biehnah leh lunggulna anei ua, tuakhun hagau lam dangtahna tahtah apetheidi dieh sih hi. Tambang alungsim beidong leh hagaulam dangtah a mite aumlai un, damsah theidiing Pasian alunggul vungvung lai un, “lungdamthu gen diing in” Pasian tapa Jesu Khrist khu sawl in ang umta hi.

Tualeh Rom kumpiten Pasian dinmun a din sawm a aumlai un, mite lungsung ah Pasian banga ngaituona aneisah zousih uhi. Tuachin, Pasian tahtah lunggulna ang neilaw ua, tuachin Pasian tahtah Mangpa Jesu Khrist khu

ang kilangta a, tuakhun hagau dangtahna zousie asubei in lungmuonna leh kipahna aneita uhi.

8) Palestine gam leh aumna mun:

Misiemte gendan in Palestine gam khu khovel pumpi a diing a mun laizang pen ahi achi uhi. Thamlou in Asia, Europe leh Africa te laizang ah zong aum hi. Tuajieh in, Pasian in khovel kawllkilli a khantanhoi puonzah ahitheina diing in, Atapa pienna diing in tam Palistine gam khu angtel hi.

Tualeh singtang gam lou i bawl chieng un zong alai ah Buh i bawl ua, tuakhu a kim apamte etkolna dia i bawl deu uh ahi. Tualeh Pasian in a khantanhoi, nnasem diing in Isreal Namte khu hingtel doh in mawpuohna pieh in aum

uhi. Tuniin zong Pasian Atapa pien thu puongzah diing in eite angtel tuom a, Atapa pienna diing in natahsa lah/tung alai zangpen na “Lungtang” adei hi.

9) Thukhumsin:

Awleh, i Mangpa pienna diing a theikhol leh theikhollou hi zong leh tambang lawmlawm a kisingsahna khawvel in aneilai in, eite ama zui, Khristian kichite khun bangzata i kisingsah uh angai diei? Tualeh i hundampa eite tan diing a hing pieng diingpa khu bang chi in i lam don diei? Tualeh khawvel pumpi Jesu lamdondiinga, kimansa aum bang in nang zong kisahkhoh inlen, nalungsim ah piengsa ta in. Tuahileh, Christmas mang tahtah i hithei ding uhi. Mangpa’n simtute zousie hing guolzawl taken. Amen.



JESU PIEN DING ANGELTE GENLAWHNA

(Taangtel: Luk 1:26-38)

- Upa Chinthong
Tongdam

Adam leh Evi suhkhielna zieh a, Pasian lungthahna sala tang a kumtawn gotmun a um dingte tandoh ding a Van khopi sunga mi akisui leh koima aum nawn lou ziehin Jesu ma ang pei a ngaita Jawlneiten anagen bang in hun le nite hing pei zelin Nazareth khuo a Nungah siengthou Mari sung a pieng ding ahi chia Mari ava houlimpi uleh Mari alungkham mama ta, tuathu azahtah in bang chi bang guolzawl na atadie ang chidohta. Luk 1:29.

Angaituolou lamtah in ahoupita hing gaivachin tapa khat nei va chin amin Jesu nasa ding Luk 1:31-32 achileh Mari lungkham seng in Conviction aketa nang hile chin bang nachi diei? Ei kihileh zong kibuo i thouva, Nungah siengthou zumthei mama alungtang a zong angaituo khahlou pasal bei a gai ding chipen chimultho zong huoi zozen va. Mari zong azau in azautho. Mari zausin hing gaivachin tapa khat nanei ding achi.

MARI LUNGKHAMNA POINT
3 TE:

- 1) Nungah siengthou ahizieh: Nungah siengthou ahi guoh hilou a min zong a siengthou maminga agintat akhosung ua umdan hoipen apa bei a gai ding chipen mihing ngai a zong melse mama nungah duhdahloute bon azol gai leh

zum a Doctor a nausukhie nalakoma nauangeh kipai um, Mari bang dia lungkham lou ding e.

- 2) Mitoh kichiensa, ngaizawng neisa ahizieh: Tangval Joseph toh kiteng dinga kichiensa Luk 1:27 Joseph toh akiten ding chauh ngah a um Angelte thugen pen zahnop huoikhol lou ding ahi. Gai pou pou le lah Joseph in kitenpi dia agintat lou, agintatlou dungzui a Josephin aguh a kikkenpi som nalai. Joseph zong oimaw huoilou ingaizongten ei a hilou aguh a naupai ding chipen ngaisiem huoilou ahi. Mari deiterna buoi huoi mama chini kalah a ding ta. Jesu leh Joseph asaikah Angelte thugen apom leh Joseph atan

ding Joseph apom leh Jesu atan ding leitung sil leh Jesu neikhom thei ahilou zieh a khat zawzaw ataan a ngai.

Mari dinmun buoihuoi mama na tang khatai? Hagau siengthou apat lungkhamna na neitai? nangma a hundampa apienna ding ah hoitah in ngaituo inla thupuana bawllou in hagau siengthou nuasawl sin. Tamte ziehin nangma a hundampa pieng ding subuoi sin.

3. Mitaga migenthei ahizieh: Amalah milien ahiding a Tungnungpen tapa akichi ding Luk 1:32. Asunga pieng ding lah mithupi amalah migenthei hingal, milien, milal, mithupi hizat lah a kei migenthei sung pen taha apien ding achileh alung sim buoi in kisuonlana ngen in adim a Angelte thugen zong apom ngampai sih. Pasian bangkim bawlthei umlou umsahthei aumsa zong lamangthei ahi. Theinapia bang dinga hichi buoi e? Jesu koi ahi a theichienlou zieh a ama zong kitheichienlou ahi, atop ah lungkham seng in Conviction aketa tami bang chi hithei dingla pasal la neilou ing a ang chi dohta.

Angelte thugen theisiemlou a abuoi deudeu phet in Angelten Counselling abawl khum a midangte Testimony agenkhumta. Na sanggam nu Elizabeth en in ta neilou a ching ahia, ateh nung in nau apai a ha 6 achingta Luk 1:36 achileh thakhat in alungsim akihong a hagau siengthou nasep theidan ang theisiemtah in pasal bei a naupai ding Pasian a dinga bangma ahilou dan ang thei kheta kipahtah in Angelte thugen ang dong a nasuohnu ka tung ah nachi bang in tung taken na lawlaw hing lawtan Luk 1:38 chin ang ki sarender ta, Mangpa koi ahi ang theichien tahin Pasian a dia bangma ahilou dan atung a thuneitu Pasian ahidan ang theidohta, Pasian in Mari dong sese lou a a ut leh agaisahthei hinapin akiphal sieng masang in atung ah na asemsih a kiphah siengtah in na asempa a nau ang pai pan ta hi. Kiphalsiengna apoimaw mama ahi. Elizabeth in akipahpi mama a Joseph in aguh a kikhenpi asawm laitahin Angelten Joseph Counselling abawl a Joseph Mari kitenpi ding zausin hagau siengthou apat gai

ahia, tapa khat anei ding a
amin Jesu nasa ding Math.
1:20-21. Tuachin Joseph apai
a Mari akitenpita.

Mari adin kipah umtei va
maw. Joseph leh Jesu aneikhawmta
Marin akama agenlou vang in Jesu
zala Joseph atansa ahi. Jesu zal

a Joseph atan ngam ziehin Jesu
leh Joseph aneikhomta, Pasian
gam zieha a inn alou, anu apa a
sanggamte azi atate nuasie ten tu
leitung damsung a azat tamtah
mube lou ding leh khonunga
kumtawn hinna tang lou ding
koima aum sih Luk 18:29-30.

KINGIEMKHIET TAH IN AHING PIENG

(Text: Luk 2: 15-20)

- *Rev. Khupsianlal, Singnat*

1). Thumapui. Amasapen in simtu zousie i Mangpa Jesu Khrist min in Khristmas chibai kahing bawl masa hi. Lamkai vaihawmte lunggel siemna toh hunlemtang kamuthei ziehin lungdam huoi kasa a, Pasian thu kikupna hun lemtang zangkawm u'lei deihuoi isa hi.

I Mangpa Jesu khu Herod Thupi (Herod the Great) shi madeu in 4 B.C in hing pieng hi (Mathiu 2:1, 13-15). Khovel buoina kawmkal ah tukum Khristmas tungtawn a ingaituonate uah Immanuel (eite toh Pasian umkhawm)- chi khun ahing pienlai a hamsatna lientah atuohdante ngaituo tha u'lei deihuoi isa hi. Lei leh van siemtu khu khovel a nausen piengteng lah a pien hamsapen leh genthei huoipen ana tuoh ahi.

2). NAU NEINA MUN DEIHUOILLOU PENAH: Eite'n hospital ahisihleh mani inn ah

kituptah in nau ineisah zel uhi. Tambang ahilai in iMangpa Jesu khu bawngbuh/ganbuh sungah hing pieng zaw hi. Kaisar Augustas in kisimpina (census) a min khum dinga thupieh abawl ziehin hamsa mama nanleh ana zuon uhi. Tambang a kisimpina khu kum sawm-le-li dan a neizel un kigen hi.

Mangpa Jesu nu-le-pa, Joseph leh Maryte tenna Nazareth khuo apat David khopi Bethlehem kikal khu mel 80-vel in kigamla hi. Mika 5: 2 khun "Hinanleh nang Bethlehem Ephratha Juda gam a tul tampite lah ah meng/neu nan

lechin, nangma a kipat in kei a dingin Israel vaihawmpa ding khat ahing pawt ding hi. Ama kipat chiil na tanglai hun, kumtawn a kipat ahita hi,” chi in guolnei in ana phuong a, tuakhu Luk 2: 4-7 ah hing tangtung ta hi.

Khum hunlai in zintun-paikhai toh kisai khu ana guollui mama mai uhi. Inn neitute’n zin tungte khu agantate uh nehding pawltu leh khuolzinte ann huon theina ding sing mai-mai na pezel giep uhi. Tuabang silte nasan muzoulou in na um nalai uhi.

3). BANG ZIEH A MUN TANGZOULOU AHIDIEI?

Kisimpina a minkhum ding atamseng zieh in zintunna ding inn, hotel neitute khun sum-le-pai petam penpente ana zintunsah tah zieh un i Mangpa’n pienna ding mun hoi leh kitup ana tangkha lou hi. Amau hausatna ding leh nopsahna ding angaituo zieh uh ahideu pen ahi. Bethlehem khuo a zintunna ding mun zousie khu luodim sieng ana hitahziehin, i Mangpa nu-le-pa ten tunna ding inn kitup ana tangpha nawn lou in, gan ann piehna kuongah Mangpa Jesu hing pieng ta hi.

Khovela mihausapen leh pilpen kumpi Solomon khun, “Bangteng bangmalou mai ahia, hui nuadel bang ahigiep hi,” achi ahi. Tulai

itenna khovel zelsuo COVID-19 khu China gam a Wuhan khopi a kipan chi in ngaituona umnanleh ei gingtute’n nguntah a ingaituo chieng un hausatna ding leh nopsahna dinga England gam a biehin te zu-le-sa zuohna munpi a akizahta zieh leh USA gam state sawmnga te’n nei kibang kitenna (same sex marriage) phalnate zieh a, I Mangpa pienna ding leh umna ding mun atanzoulou zieh a Mangpa gawtna hing tung ana hizaw ahi. Tunai deu in Pope Francis in nei kibang kitenna aphasahpi thu gen nalai hi. Tulai ei gingtute lah leh i pawlpi te uh ah zong i Mangpa sanga ingainat zaw mani deiteelna leh deidan peipi utnate ziehin dihtatlouna leh thukhenna dihloute’n vai hawm zaw in, dihtatna Mangpa leh thukhenna dih deizing i Mangpa’n i hattuom leh i hinkhuo uah mun tangzou lou zel hi.

Mathiu 26: 14 akhun Judaiskariot khu anua azui Mangpa Jesu zuohtu a pang ahidan a gen hi. Tuahun lai a dangka sawmthum khu tulai in pound 314 vel hi in kigen a, tuakhu rupee a tuot in Rs.28,260 apha a, Juda Iskariot in sum-le-pai hausatna deina zieh in a hundampa zuoh hi. Tualeh, Paul khun Phillipi 3: 8 ah, “Hinanleh adihtah in, Khrist Jesu ka Mangpa theina

hoitah ziehin, silzousie supna in kasim a, Ama ziehin sil zousie ka taanta a, tualeh tuate Khrist kanei theina dingin buathah kikolkhawm bang giep in ka ngaisut hi,” chi hi. Mangpa Jesu’n, “Mi’n leitung pumpi nei henlen, ama kisu mang in, ahisih leh ahinna taan taleh ama a dingin bang aphattuom diei?” achi ahi.

KHRISTIAN kichi thumal akhun KHRIST apanlou chiengin ‘IAN’ bou a um a, tuakhu i ‘AM NOTHING’, kei bangmalou kahi china ahi hi. Tuabang zel in KHRISTMAS jong KHRIST apanlou leh MAS bou ahia, MONEY AND SEX chi na ahi.

4). SIMMAW HUOIPEN TEN VAIDAWN UH: Khantanhoi Luk gieltu khun i Mangpa Jesu ahing pien in khovel a mite simmaw leh nuoisie pente’n ana vaidawn dan uh kichientah in gen hi. Atangpi in Judate kivaipuohdan ah nausen pasal apien chieng in khosung vengsung ah tumging tumsiem te hankhawm in ginglawm chi tuomtuom toh naupieng khu lawm dupdup zel uhi. Hinanleh, i Mangpa vang khu gan inn ah hing pieng in, ginglawm toh pahtawina khu pieh in ana umsih a, hitananleh Pasion Tapa khu van mipiten van lapawl loupitah sa in hundamtu ding pieng khu ana kipahpi mama uhi.

Vansawlsiengte khun khovel a milien milalte chiellou in daipam a koima theiphalou, ganchingte leh migentheite chiel zaw uhi. Khumhun lai in gamchingte khu society a mite nuoinet leh simmaw pente ahi uhi. Hinanlezong Pasion in i Mangpa pien lawm dingin tuabang mite, silpieh ding zong neizouloute ana chiel nuom zaw hi.

Tuni’n ei gingtute zong kingiemkhietna leh thunuoilutnate i hinkhuo uah inei lou uleh Khristmas bangzavei mang nanlei zong i Mangpa eite kungah hing pieng theilou ding hi. Belampute’n vansawлтаhte tungtawn a kipah huoi thu azah un, Mangpa pahtawina apie uhi. Tuabang main eiten zong ihinna utoh Mangpa ipahtawi zing ding uh poimaw hi.

5). KUMPI GILOU PEN IN VAIHAWM-NAUSEN TAIPI POIMAW: I Mangpa hingpien in kumpi gilou pen Herod vaihawm laitah ahi. Agamtat chizathuoite ziehin michin in ana gingthei mama uhi. Azi, asungnu, atapa tahpen leh atapate ni zong ana that hi. Tuazieh in Roman Emperor Augustus in “Herod tate a pien sang in voh a pien deihuoi zaw,” chi hi. Tambang a kumpi gilou khun Mangpa Jesu pienlai tah in vai nahawm hi.

Suolam mipilten nausen pien thu ava kan lai un Herod lunggel ana buoisah mama mai hi. Kumpi tha hingpieng khu tha dinga asuilai ua amuzoulou bep un hepina neilou kei in Bethlehem leh akimvel a naupieng pasal kum ni nuoilang sie thading in thusuo bawl hi. Mathiu 2: 13-16 akhun nausen Jesu khu Egypt gam ah taipi ahi a, Herod shi masang sie tuanah umpi uhi. Ei

gingtute lah azong i Mangpa Jesu ikung ua a umden thei na ding in Herod banga hing khensawm zu-le-sa, khamthei-guithei, nopchetna, du-amna, dihtatlouna, be-le-phung a vaihawmnate apat itaikhiet uh poimaw mama hi. Khumte lah apat ikihepmang lou ua itaimang lou uleh meidiil ah kisia nan ulei zong phattuom nawnlou ding hi. Simtute Mangpa’n hing guolzawl hen.

Zou Presbyterian Church Synod 20vei Vaihawmna Session a Missionary leh Evangelist kila tha teng

MISSIONARY			
No.	Min	Khuo	Post mun ding
1.	Tongminmuan s/o Upa Khamzamang	S. Muvanlai	Tripura Mission Field
2.	T. Kaplunmang Zou s/o T. Chinkhanthang	Tangpijol	Jengbey Mission Field
EVANGELIST			
No.	Min	Khuo	Post mun ding
1.	Thangsuanmuan s/o Rev. Awnkhankhup	Kanaan veng	Zoutang Presbytery (ZTP)
2.	Khammuankhai s/o Shie Thongkhosuan	Singngat	Manipur Gam Presbytery (MGP)



TUNNU LIMBEL PANPITE

OCTOBER-NOVEMBER 2023

1. PCI , Lailam Veng	Rs.	1000/-
2. Presbyterian Church, Tuining:		
i)Hauching	Rs.	60/-
ii)Pauliankhup	Rs.	150/-
iii)Nu Kimzaching	Rs.	70/-
iv)S. Thangchinpau	Rs.	100/-
v)Upa. Ginsuankhai	Rs.	250/-
vi)Sonlam	Rs.	20/-
vii)Engzaching	Rs.	130/-
viii)Pa Pauliankhup	Rs.	150/-
ix)Mangliankhual	Rs.	50/-
3. Upa Pauchinlal, Central Church	Rs.	1,000/-
4. Manneihat, Central Church	Rs.	2,000/-
5. Kaplianmung, Central Church	Rs.	500/-
6. Nousuanching, Central Church	Rs.	1,000/-
7. Flora Hatnu, UK	Rs.	40,000/-
8. Donneiching, Central Church	Rs.	500/-
9. Chiinneisiam, Singngat	Rs.	20,000/-
10. PWF Behiangtung, Anntangtang	Rs.	750/-
11. PWF Muallum, Anntangtang	Rs.	100/-
12. Lamzareth, Lailam Veng	Rs.	1,000/-
13. Chiinmuankim, Central Church	Rs.	2,000/-
14. Muangneilam, Central Church	Rs.	3,000/-
15. Khupkhanmang, Lailam Veng	Rs.	5,000/-
16. H. Kapneithang, Central Church	Rs.	7,000/-
17. Rev. Dr. Hangpi Manlun	Rs.	1,000/-
18. Nu, Nuamzakim, Central Church	Rs.	5,000/-
19. PWF Zomi Colony Khristmas Gift	Rs.	2,000/-
20. Presbyterian Church, Awnchinkap Khuo Khristmas Gift	Rs.	5,000/-
21. PWF Kanaan , Khristmas Gift	Rs.	2,000/-
22. PWF Behiangtung, Anntangtang	Rs.	750/-
23. PWF Muallum, Anntang 21 Kg leh asum in	Rs.	100/-
24. PWF Zomi colony, Anntang 97Kg leh asum in	Rs.	450/-
25. PWF Lailam veng, Anntang 150Kg leh asum in	Rs.	200/-
26. PWF Tuibuong Anntang 118Kg		
27. PWF Manniang Khuo - Anntang 35Kg		

- 28. PWF Kanaan Veng - Anntang 85 Kg
- 29. PWF New Zoveng - Anntang 97Kg
- 30. PWF Teisalang - Anntang 30Kg
- 31. PWF Singngat - Anntang 101Kg
- 32. Pa Manglian & family, Thingkangphai - Anntang 1Bag leh Dal 2Kg
- 33. Pa M. Zamkholian , Zomi Colony - Anntang 2Bags
- 34. Ngailun, Lunjang - Bohbual Box 1

Petu zousie Mangpa’n hing guolzawl ta hen.

NOTE : A dihlow kha te Office a suhdih thei zing ahi.

Sd/- Nh. Lamdeichiin
Secretary for Women’s Relation

ZPYF COLUMN

Pasian hoina kitang in ZPYF in buoina komkal ah malam kisuon hi. Tambang a hingpuitu i Mangpa leh i biah i Pasian min iphat masa uhi.

Tukum i kumpuon uh u toh kituoh in Khanglaten PAsian Galvan Bukim a ikivonna ua I Mangpa i tung ua lungkim ngei dingin zong ki nep uhi. Bangkim tunga thunei leh eite hing nuasia ngailou Mangpa ahi ziahin Ama min itawisang sawnsawn uhi. Pasian hoina jalin eite mapui hing in Industry, Kumpuon, leh Khanglai Ni tuokhawm te bang ahing ki submit thei ah tuate enkawm va ui :-

Industry submitte:Amount

- 1. PYF Delhi Rs. 8,000/-
- 2. PYF Tuivai District Rs. 6,000/-
- 3. PYF Lamka District..... Rs. 10,000/-

Kumpuon Submitte:.....Amount

- 1. PYF T. Daijang Rs. 360/-
- 2. PYF Singngat District..... Rs. 4,740/-
- 3. PYF Tuivai District Rs. 1,500/-
- 4. PYF Zoutang District Rs. 520/-
- 5. PYF Lamka District..... Rs. 6,900/-

Khanglai ni Tuokhawm submitte:.....Amount

- 1. PYF Lailamveng..... Rs. 3,796/-
- 2. PYF Chingmang Rs. 175/-

3. PYF Tuibuong	Rs. 3,228/-
4. PYF New Zoveng.....	Rs. 1,304/-
5. PYF Hiangdung	Rs. 401/-
6. PYF Delhi	Rs. 6,442/-
7. PYF Tongdam.....	Rs. 1,310/-
8. PYF Sion	Rs. 230/-
9. PYF Bohlui	Rs. 350/-
10. PYF Zomi-Colony	Rs. 2,038/-
11. PYF Tuining	Rs. 805/-
12. PYF Maukot	Rs. 150/-
13. PYF Thingkangphai.....	Rs. 2,385/-
14. PYF Emmanuel Khopi	Rs. 2,033/-
15. PYF LDCC Hiangzou.....	Rs. 960/-
16. PYF Behiangjang	Rs. 1,226/-
17. PYF Teiseljang	Rs. 570/-
18. PYF Central Church.....	Rs. 4,410/-
19. PYF Zoumunnuam.....	Rs. 893/-
20. PYF Shillong	Rs. 2,325/-
21. PYF T. Daijang	Rs. 1,425/-
22. PYF Lunjang	Rs. 240/-
23. PYF Singngat.....	Rs. 1,499/-
24. PYF Muollum.....	Rs. 1,258/-
25. PYF D. Phailian.....	Rs. 400/-
26. PYF Muvantai.....	Rs. 1,142/-
27. PYF L. Gangpi Muol.....	Rs. 249/-
28. PYF T. Tangnuam	Rs. 200/-

Submit hing bawl teng ziahin Mangpa min iphat uhi. Submit nailouten hing ngai poimaw dingin zong i kingen sawnsawn uhi. Tualeh Submit a kigiel khalou chite a umleh receipt tawi a Youth Co-ordinator kunga correction bawl thei ahi.



Nh. T. Naomi Goulanching
Youth Co-ordinator

PATRON MEMBER-TE

001. Upa Gouzamang	002. Pu Hav. Khamchinkhup	003. Pu Khamzalam	004. Pu Chinzasuan
005. (L) Upa Liansuanpau	006. Pu Khamchinthang	007. Pu S. Dalthang	008. Upa Kapkhanthang
009. (L) Upa Langginmang	010. Upa S. Nangkhanlal	011. Pu S. Lamkhotang	012. Upa Dr. M. Lachinkhai
013. Upa Khamchinjam	014. (L) Upa D.K.Manlun	015. Upa Suankhanmang	016. (L) Upa Khupgou
017. Upa Chinkham	018. Upa Ngulchinkham	019. (L) Rev. V. Vungzalian	020. Rev. Retd. Kamkhosoi
021. Rev. Tualzachin	022. Rev. H. Nengzaton	023. Rev. Awnkhankhup	024. Rev. Dr. Hangpi Manlun Zou
025. (L) Pu Tuanzapau	026. (L) Rev. Ginchinjam	027. (L) Rev. Khamzasuan	028. Upa T. Lamkhothawng
029. Upa Khaichinmang	030. Rev. Stephen Chinzathang	031. Pu Khupkhanmang	032. Pu Khaidohlian
033. (L) Hav. Khamzahang	034. Pi Vungzanuam	035. Pu T. Gouzadou	036. Upa Liensuonkap
037. Pi Zerkhochiin	038. Pi Hatkhanvung	039. (L) Pi Ngaihoiching	040. Pi Mankhannieng
041. Pu Goukhanmang	042. Pi Chingzalam	043. Pu S. Thianzakhai	044. Pi Kamkhanching
045. Pu Haukhanpau	046. Pu Tuallianmang	047. (L) Pu Dongkap	048. (L) Pi Chingkhanmang
049. Pi Donkhonian	050. Upa Henzakhup	051. (L) Pu Saichinpau	052. Pu Goumang
053. (L) Upa Khamkhanhang	054. Shie Laangkhanlal	055. Pu Khamkhanlun	056. Upa L. Tualkhanpau
057. Upa Jamsianmung	058. Upa Ginzadong	059. Pu Kaizathang	060. Pi Goizanuom
061. Pi Thangneivah	062. Pu Khamzathang	063. Pi Donchin	064. Upa Liankhanmang
065. Pu Hauchinlun	066. Pu T. S. Lal	067. Pi Goichiin	068. (L) Pu T. Khupchinthang
069. Upa T. Kaizalam	070. Pu Paul Henkholal	071. (L) Pu Soikham	072. Rev. P.C. Manga
073. Rev. Khamchinkhai	074. Rev. Zamlianpau	075. Rev. Chinzapau	076. (L) Rev. Kamkhozam
077. (L) Upa Chinpu	078. Pu Zamkhanthang	079. Pu Chinglen	080. Miss Chinhaunieng
081. Upa P. K. Soia	082. Pu Goujakhai	083. Pi Niangkhanmang	084. (L) Evan. G.L. Joshya
085. Pi S. Chingkhanmang	086. (L) Pu Vumchinkhup	087. Upa Khaihenthang	088. Upa T. C. Pau
089. Upa Nengchinkap	090. (L) Upa Jamkhongam	091. Upa HT Manga	092. Nu Vahkholhing
093. Pu Hauliankap	094. Pi Chinnu	095. (L) Upa Ngulzakhai	096. (L) Upa T. Gougin
097. Pu Ginsuanhau	098. (L) Upa Langminthang	099. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatthang Taithul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. (L) Rev. Mangsuanthang	115. (L) Pu Lamchinhou	116. Upa Pauchinlei
117. Nu Kimneihei	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munlao	134. Pu Sianzakhai	135. Upa Thangginsuan	136. Pu Kapminlun
137. Pi Tingzavah	138. Dr. M. Limlunthang Zou	139. Rev. Hauzalian Manlun	140. Rev. Suangliankap
141. Rev. Ginlianmang	142. Upa L. Mangminthang Zou	143. Upa Goukhanthang	144. M. Thangsuansang Zou

LIFE MEMBER-TE

001. (L) Upa T. Khupkhenpau	002. (L) Pu M. Ginzahau	003. (L) Pu Selzapau	004. Pu L.C. Pautungnung
005. (L) Pi Khamkhannieng	006. Pi Ngainuam	007. Upa Chinsuanthang	008. Upa Shanti Kumar
009. Pu Kamkhohau	010. (L) Pu Khamkhohau	011. Upa Khamzathang	012. Upa Chinkhanthang
013. (L) Pu Tongzathang	014. Pi Chiinneilam	015. Upa Kulthang	016. H/Sm. Upa Kaichinpau
017. Pi Niangzalam	018. Upa P. Doukholun	019. Pu Kapminlian	

Undelivered

Please return to:

The Editor

KHRIŖTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
